



Na osnovu člana 25. stav (1) tačka c) Zakona o dopunskim pravima branilaca i članova njihovih porodica u Hercegovačko-neretvanskom kantonu („Službene novine HNK“ broj: 6/18 i 4/21), člana 33. Pravilnika o ostvarivanju prava na stambeno zbrinjavanje („Službene novine HNK“ broj: 2/19) i Odluke o davanju saglasnosti na Programa utroška novčanih sredstva utvrđenih u Budžetu HNK za 2021. godinu za Ministarstvo za pitanja branitelja/boraca HNK, broj: 01-1-02-1237/21 od 11.05.2021. godine, Ministarstvo za pitanja branitelja/boraca HNK raspisuje:

JAVNI OGLAS
za podnošenje zahtjeva za bespovratnu novčanu pomoć pri izgradnji, rekonstrukciji ili sanaciji individualnog stambenog objekta

I.

(Predmet javnog oglasa, podaci o ukupnom iznosu sredstava, korisnici prava/prioriteti, opći uslovi i ograničenje korištenja prava)

- (1) Predmet Javnog oglasa je dodjela bespovratne novčane pomoći pri izgradnji, rekonstrukciji ili sanaciji individualnog stambenog objekta iz raspoloživih sredstava Ministarstva za pitanja branitelja/boraca HNK (u daljem tekstu Ministarstvo) u iznosu od 310.000,00 KM (tri stotinedeset hiljada konvertibilnih maraka).
- (2) Pravo na dodjelu sredstava po Javnom oglasu imaju branioci i članovi njihove porodice, te članovi porodice poginulih, umrlih i nestalih branilaca koji nemaju riješene stambene potrebe, a po utvrđenim prioritetima, i to:
- a) djeca poginulih, umrlih, nestalih branilaca bez oba roditelja i ratni vojni invalidi s oštećenjem organizma 100% I grupe,
 - b) porodica s dva i više poginulih, umrlih, nestalih branilaca i ratni vojni invalidi s oštećenjem organizma od 100% II grupe,
 - c) porodica poginulih, umrlih, nestalih branilaca i ratni vojni invalidi s oštećenjem organizma od 90%, 80% i 70% i dobitnici ratnih priznanja i odlikovanja,
 - d) ostali ratni vojni invalidi i članovi porodica umrlih ratnih vojnih invalida,
 - e) demobilisani branioci i članovi porodica umrlih demobilisanih branilaca.
- (3) Opći uslovi za ostvarivanje prava po ovom Javnom oglasu je prebivalište na području kantona najmanje 10 godina prije stupanja na snagu preambulom predmetnog Zakona tj. od 09.08.2008. godine, uz ispunjavanje jednog od slijedećih uslova:
- da prvi put rješavaju svoje stambeno pitanje,
 - da im korisna površina stambenog objekta ne odgovara broju članova porodičnog kućanstva,
 - da žive u stambenom objektu koji nije uslovan za stanovanje.
- (4) Pravo na stambeno zbrinjavanje može se koristiti samo za jednu stambenu jedinicu, i isto se ne može ostvariti ukoliko je lice u odbrambeno-oslobodilačkom ratu sudjelovala manje od 12 mjeseci, koji period se, uz postojanje objektivnih okolnosti, ne odnosi na porodice poginulih, na ratne vojne invalide i na lica koja su kao maloljetna stupile u odbrambeno-oslobodilački rat, uz ostala ograničenja utvrđena članom 3. i 20. Pravilnika.

II.

(Namjena sredstava)

Pomoć pri izgradnji, rekonstrukciji ili sanaciji individualnog stambenog objekta ostvaruje se dodjelom bespovratnih novčanih sredstava za:

- a) stambeni objekt bez krovne konstrukcije i stambeni objekt čiju je krovnu konstrukciju potrebno zamijeniti u cijelosti ili stambeni objekt čiju je krovnu konstrukciju potrebno dijelom sanirati,
- b) stambeni objekt koji nije uslovan za stanovanje zbog narušene statičke stabilnosti ili značajnijeg oštećenja konstruktivnih elemenata objekta,
- c) izvođenje radova kojima se unutarnji dio stambenog prostora koji nije u funkciji stanovanja dovodi u funkciju stanovanja.

Podnosilac zahtjeva dužan je na propisanom zahtjevu koji je u prilogu Javnog oglasa naznačiti jedan od osnova za koji traži bespovratna sredstva.

III.

(Obvezna dokumentacija za dokazivanje ispunjenosti uslova)

(1) Dokaz o statusu:

- a) za člana porodice poginulog, umrlog, nestalog branioca ili umrlog ratnog vojnog invalida- uvjerenje o statusu izdato od nadležne gradske/općinske službe nadležne za boračko-invalidsku zaštitu,
- b) za ratnog vojnog invalida-uvjerenje o statusu, te uvjerenje o sudjelovanju u odbrambeno-oslobodilačkom ratu sa dužinom trajanja (HVO, A RBiH ili MUP),
- c) za dobitnika ratnog priznanja-odlikovanja, rješenje o ostvarivanju novčane naknade po osnovu odlikovanja, te uvjerenje o sudjelovanju u odbrambeno-oslobodilačkom ratu sa dužinom trajanja
- d) za demobilisanog branioca i člana porodice umrlog demobilisanog branioca-uvjerenje o sudjelovanju u odbrambeno-oslobodilačkom ratu sa dužinom trajanja (HVO, A RBiH ili MUP);

(2) Potvrdu o prebivalištu za sve članove porodičnog domaćinstva, izdata od strane nadležnog organa;

(3) Kućna lista ovjerena od nadležnog organa uprave;

(4) Potvrdu o kretanju za podnosioca zahtjeva izdata od MUP-a HNK od 1991. godine, do dana podnošenja zahtjeva;

(5) Zemljišno knjižni izvadak ili druga isprava iz kojeg se vidi da je podnosilac zahtjeva ili član njegovog porodičnog domaćinstva vlasnik stambene jedinice za koju podnosi zahtjev;

(6) Uvjerenje/a Općinskog suda da podnosilac zahtjeva i članovi njegovog porodičnog domaćinstva nisu vlasnici bilo koje stambene jedinice, osim one za koju podnose zahtjev;

(7) Ukoliko je podnosilac zahtjeva na dan 30.04.1991. godine živio u mjestu različitom od sadašnjeg mjesta prebivališta, dužan je priložiti i Uvjerenje/a Općinskog suda iz tadašnjeg mjesta prebivališta iz kojeg je vidljivo da on i članovi njegovog porodičnog domaćinstva nisu vlasnici bilo koje stambene jedinice, osim one za koju podnose zahtjev;

(8) Ovjerena izjava da podnosilac zahtjeva, kao i članovi njegovog porodičnog domaćinstva nisu vlasnici ili posjednici bilo koje stambene jedinice u HNK ili BiH, osim one za koju apliciraju;

(9) Ovjerena izjava da podnosilac zahtjeva, kao i članovi njegovog porodičnog domaćinstva nisu dobili stan, odnosno nisu u postupku rješavanja dodjele istog od strane Zajedničkih službi organa F BiH, iz fonda bivšeg Federalnog ministarstva obrane i Vojske F BiH, niti su bili korisnici bespovratnih novčanih sredstava, niti su pravo na bespovratna novčana sredstva ostvarila po nekom drugom osnovu;

(10) Ukoliko podnosilac zahtjeva ili član njegove porodice posjeduje samo građevinsko zemljište s urednom urbanističko-građevinskom dokumentacijom na kojem je započeta izgradnja stambene jedinice-dokaz o istom;

(11) Ukoliko podnosilac zahtjeva ili član njegove porodice stanuje u stambenoj jedinici za koju je podnio zahtjev za legalizaciju, a u koju je uselio prije stupanja na snagu Zakona (prije 09.08.2018)-dokaz o istom;

(12) Ukoliko je podnosilac zahtjeva podstanar dužan je dostaviti ugovor o podstanarskom odnosu ili drugi valjan dokaz, odnosno dostaviti privremeno rješenje o alternativnom smještaju;

(13) Rodni list za svako treće i slijedeće maloljetno dijete, a za dijete koje se nalazi na redovitom školovanju do navršene 26. godine života-dokaz o redovitom školovanju;

(14) Dokaz za podnosioca zahtjeva i članove porodičnog domaćinstva koji imaju redovna novčana primanja uz naznaku visine istih, izuzev novčanih primanja po osnovu boračko-invalidske zaštite (lična invalidnina) i socijalne zaštite;

- (15) Ukoliko podnosilac zahtjeva i članovi porodice nisu u radnom odnosu kao dokaz o istom dostaviti Uvjerenje Službe za zapošljavanje ili Uvjerenje nadležne porezne ispostave ili Uvjerenje Federalnog zavoda za penzijsko i invalidsko osiguranje;
- (16) Dokaz o teškom zdravstvenom stanju-najtežem oboljenju i/ili povredi utvrđenom važećim propisima, za podnosioca zahtjeva i/ili članova njegove porodice;
- (18) Predračun radova s cijenom koštanja (okvirni opis troškova za radove iz tačke II.);
- (19) Izjava člana porodičnog domaćinstva - vlasnika objekta da podnosilac zahtjeva može vršiti radove na objektu u cilju rješavanja svog stambenog pitanja (u slučaju kada podnosilac zahtjeva nije vlasnik individualnog stambenog objekta ili je suvlasnik dijela objekta na koji se zahtjev odnosi);
- (20) Tekući račun podnosioca zahtjeva.

Zatražena dokumentacija ne smije biti starija od 6 mjeseci, a kopije iste moraju biti ovjerene kod nadležnog organa uprave.

IV.

(Prijave i postupanje po prijavama)

- (1) **Prijava na Javni oglas podnosi se na jedinstvenom obrascu dostupnom u sjedištu Ministarstva, Kralja P. Krešimira IV, 8/a 88101 Mostar, u općinskim odnosno gradskoj službi boračko - invalidske zaštite u HNK i na službenoj internet stranici Ministarstva: www.mbhnz-k.ba.**
- (2) Prijave na Javni oglas sa potrebnim odgovarajućim dokumentima podnose se **na adresu: Ministarstvo za pitanja branitelja/boraca HNŽ/K Kralja P. Krešimira IV, 8/a 88101 Mostar.**
- (3) Neblagovremene, nepotpune i neuredne prijave neće se uzeti u razmatranje, o čemu je Ministarstvo obvezno obavijestiti podnosioca zahtjeva.
- (4) Uvažavajući propisanu proceduru, po okončanom postupku razmatranja pravovremenih, potpunih i urednih prijava, a na osnovu utvrđenih činjenica iz člana 32. Pravilnika, te reda prioriteta po zahtjevima za odobravanje sredstava utvrđenih prema broju bodova u skladu sa kriterijima i formiranim zasebnim listama po kategorijama iz člana 21. Pravilnika, sa kvalifikovanim podnosiocima zahtjeva potpisat će se Ugovor o dodjeli i namjenskom utrošku sredstava, u okviru oglasom predviđenih sredstava.
- (5) Ministarstvo će posebno obavijestiti podnosiocima zahtjeva koji u skladu sa stavom (4) ove tačke nisu stekli uslove za potpisivanje Ugovora o dodjeli i namjenskom utrošku sredstava.
- (6) Ministarstvo zadržava pravo dodatnih provjera i utvrđivanja svih činjenica koje su zatražene uslovima Javnog oglasa.
- (7) Javni oglas ostaje otvoren 15 (petnaest) dana od dana objave.

V.

(Kontrola utroška odobrenih sredstava)

- (1) Kontrolu utroška odobrenih sredstava na osnovu Ugovora vrši Komisija.
- (2) Nenamjenski utrošena sredstva i sredstva neutrošena u roku koja su na osnovu Ugovora doznačena podnosiocu zahtjeva, imaju se vratiti na račun Budžeta kantona.
- (3) Obrazac pravdanja namjenskog utroška sredstava čini sastavni dio Ugovora.

Broj: 12-01-37-3515/21
Mostar; 24.09.2021. g.



Ime		Otisak prijemnog pečata
Prezime		
Ime oca		
JMB		
Prebivalište/Adresa		
Komponenta HVO /ARBiH		
Kontakt telefon/mobitel		

ZAHTJEV

za utvrđivanje prava na jednokratnu bespovratnu novčanu pomoć pri izgradnji, rekonstrukciji ili sanaciji individualnog stambenog objekta za rješavanje stambenih potreba branilaca i članova njihovih porodica na području HNK

I. Molim nadležno Ministarstvo da mi na osnovu zahtjeva odobri novčana sredstva za rješavanje stambenih potreba za (zaokružiti namjenu za koju se traži odobrenje sredstava):

- a) stambeni objekt bez krovne konstrukcije i stambeni objekt čiju je krovnu konstrukciju potrebno zamijeniti u cjelini ili stambeni objekt čiju je krovnu konstrukciju potrebno dijelom sanirati,
- b) stambeni objekt koji nije uslovan za stanovanje zbog narušene statičke stabilnosti ili značajnijeg oštećenja konstruktivnih elemenata objekta,
- c) izvođenje radova kojima se unutrašnji dio stambenog prostora koji nije u funkciji stanovanja dovodi u funkciju stanovanja.

II. Uz zahtjev prilažem sljedeće dokaze (zaokružiti šta se prilaže zahtjevu):

(1) Dokaz o statusu:

- a) za člana porodice poginulog, umrlog, nestalog branioca ili umrlog ratnog vojnog invalida- uvjerenje o statusu izdato od nadležne gradske/općinske službe nadležne za boračko-invalidsku zaštitu,
- b) za ratnog vojnog invalida-uvjerenje o statusu, te uvjerenje o sudjelovanju u odbrambeno-oslobodilačkom ratu sa dužinom trajanja (HVO, A RBiH ili MUP),
- c) za dobitnika ratnog priznanja-odlikovanja, rješenje o ostvarivanju novčane naknade po osnovu odlikovanja, te uvjerenje o sudjelovanju u odbrambeno-oslobodilačkom ratu sa dužinom trajanja
- d) za demobilisanog branioca i člana porodice umrlog demobilisanog branioca-uvjerenje o sudjelovanju u odbrambeno-oslobodilačkom ratu sa dužinom trajanja (HVO, A RBiH ili MUP);

(2) Potvrdu o prebivalištu za sve članove porodičnog domaćinstva, izdata od strane nadležnog organa;

(3) Kućna lista ovjerena od nadležnog organa uprave;

(4) Potvrdu o kretanju za podnosioca zahtjeva izdata od MUP-a HNK od 1991. godine, do dana podnošenja zahtjeva;

(5) Zemljišno knjižni izvadak ili druga isprava iz kojeg se vidi da je podnosilac zahtjeva ili član njegovog porodičnog domaćinstva vlasnik/posjednik stambene jedinice za koju podnosi zahtjev;

(6) Uvjerenje/a Općinskog suda da podnosilac zahtjeva i članovi njegovog porodičnog domaćinstva nisu vlasnici bilo koje stambene jedinice, osim one za koju podnose zahtjev;

(7) Ukoliko je podnosilac zahtjeva na dan 30.04.1991. godine živio u mjestu različitom od sadašnjeg mjesta prebivališta, dužan je priložiti i Uvjerenje/a Općinskog suda iz tadašnjeg mjesta prebivališta iz kojeg je vidljivo da on i članovi njegovog porodičnog domaćinstva nisu vlasnici bilo koje stambene jedinice, osim one za koju podnose zahtjev;

(8) Ovjerena izjava da podnosilac zahtjeva, kao i članovi njegovog porodičnog domaćinstva nisu vlasnici ili posjednici bilo koje stambene jedinice u HNK ili BiH, osim one za koju apliciraju;

- (9) Ovjerena izjava da podnositelj zahtjeva, kao i članovi njegovog porodičnog domaćinstva nisu dobili stan, odnosno nisu u postupku rješavanja dodjele istog od strane Zajedničkih službi organa F BiH, iz fonda bivšeg Federalnog ministarstva odbrane i Vojske F BiH, niti su bili korisnici bespovratnih novčanih sredstava, niti su pravo na bespovratna novčana sredstva ostvarila po nekom drugom osnovu;
- (10) Ukoliko podnositelj zahtjeva ili član njegove porodice posjeduje samo građevinsko zemljište s urednom urbanističko-građevinskom dokumentacijom na kojem je započeta izgradnja stambene jedinice-dokaz o istom;
- (11) Ukoliko podnositelj zahtjeva ili član njegove porodice stanuje u stambenoj jedinici za koju je podnio zahtjev za legalizaciju, a u koju je uselio prije stupanja na snagu Zakona (prije 09.08.2018)-dokaz o istom;
- (12) Ukoliko je podnositelj zahtjeva podstanar dužan je dostaviti ugovor o podstanarskom odnosu ili drugi valjan dokaz, odnosno dostaviti privremeno rješenje o alternativnom smještaju;
- (13) Rodni list za svako treće i slijedeće maloljetno dijete, a za dijete koje se nalazi na redovitom školovanju do navršene 26. godine života-dokaz o redovitom školovanju;
- (14) Dokaz za podnosioca zahtjeva i članove porodičnog domaćinstva koji imaju redovita novčana primanja uz naznaku visine istih, izuzev novčanih primanja po osnovu boračko-invalidske zaštite (lična invalidnina) i socijalne zaštite;
- (15) Ukoliko podnositelj zahtjeva i članovi porodice nisu u radnom odnosu kao dokaz o istom dostaviti Uvjerenje Službe za zapošljavanje ili Uvjerenje nadležne porezne ispostave ili Uvjerenje Federalnog zavoda za penzijsko i invalidsko osiguranje;
- (16) Dokaz o teškom zdravstvenom stanju- najtežem oboljenju i/ili povredi utvrđenom važećim propisima, za podnosioca zahtjeva i/ili članova njegove porodice;
- (18) Predračun radova s cijenom koštanja (okvirni opis troškova za radove iz tačke II.);
- (19) Izjava člana porodičnog domaćinstva-vlasnika objekta da podnositelj zahtjeva može vršiti radove na objektu u cilju rješavanja svog stambenog pitanja (u slučaju kada podnositelj zahtjeva nije vlasnik individualnog stambenog objekta ili je suvlasnik dijela objekta na koji se zahtjev odnosi);
- (20) Tekući račun podnosioca zahtjeva.

Podnositelj zahtjeva

U _____ dana _____